



Stjórn SSH 489. fundur

Þriðjudaginn 17. mars 2020, kl. 16:00, kom stjórn SSH saman til fundar með fjarfundabúnaði.

Fundinn sátu: Ásgerður Halldórsdóttir, Ármann Kr. Ólafsson, Dagur B. Eggertsson, Gunnar Einarsson, Haraldur Sverrisson stjórnarmenn í SSH og Rósa Guðbjartsdóttir formaður stjórnar. Þá Páll Björgvin Guðmundsson framkvæmdastjóri SSH og Hildigunnur Hafsteinsdóttir lögfræðingur SSH sem ritaði fundargerð.

Gestir fundarins Eiríkur Björn Björgvinsson og Helgi Grímsson.

1. Fjarfundir nefnda og ráða

Rætt um stöðuna sem nú er sú að löggjöf, þ.e. frumvarp sem innleiða á bráðabirgðaákvæði um að ráðherra veiti heimildir til fjarfunda, er í vinnslu, samkvæmt skilaboðum frá Sambandi íslenskra sveitarfélaga.

2. Afstaða sveitarfélaganna er varðar niðurfellingu eða afslátt á þjónustugjöldum sveitarfélaganna s.s. leikskólagjalda

Framhald umræðu frá 488. fundi. Rætt um afstöðu sveitarfélaganna er málið varðar.

Niðurstaða fundar:

Ákveðið að Helgi Grímsson í samstarfi við Sindra Sveinsson og Guðmund Sverrisson komi með tillögu að útfærslu á málinu. Er miðað við að ákvörðun liggi fyrir í næstu viku. Framkvæmdastjóra SSH falið að boða fund vegna málsins.

3. Bréf Sambands íslenskra sveitarfélaga varðandi aðgerðir sveitarfélaga

Skoðun á því hvort hægt sé að flýta ákveðnum framkvæmdum hjá sveitarfélögum til innspýtingar fyrir atvinnulífið. Búið að senda út vinnuskjal þar sem sveitarfélögin settu inn upplýsingar. Rætt um hvers kyns framkvæmdum sé hægt að flýta þannig að ráðist verði í þær sem fyrst, umræður um að það séu helst jarðvegs- og viðhaldsframkvæmdir sem hægt væri að koma strax af stað. Einnig mikilvægt að gæta að fjárhagsstöðu sveitarfélaganna sjálfra er þetta varðar. Umræður um að þörfin þurfi að vera skýr og liggja fyrir áður en gripið er til aðgerða.

Fundir standa yfir hjá Samráðsnefnd um efnahagsmál og frekari upplýsingar ættu að liggja fyrir á næstu dögum.



4. Önnur mál

4.1. Forgangslisti Almannaþingarinnar

Um átján þúsund fjölskyldur á þessum lista, en óljóst hve mörg börn eru í þeim fjölskyldum, en ætti að skýrast á næstunni hversu margar fjölskyldur senda inn beiðni um viðbótarþjónustu til viðbótar við þá skertu þjónustu sem stendur almennt til boða. Island.is og skólarnir munu vinna að þessu og skýrist fljótlega hver þörfin er. Nokkrar útfærsluleiðir standa til boða, að hafa sérstaka forgangsdeild þar sem þessi börn séu saman, að hafa blandaða deild sem gæti orðið flóknara m.t.t. smitleiða eða að skólar sinni eingöngu forgangsþjónustu. Einkaskólarnir eiga að veita sömu þjónustu en í einhverjum tilvikum hafa einkaskólar veitt afslátt af skólagjöldum og kalla þá eftir viðbrögðum frá sveitarfélögunum varðandi tekjur til þeirra. Þá er líka spurning um stöðu sjálfstætt starfandi verktaka, s.s. talmeinafræðinga.

Niðurstaða fundar

Lagt til að þetta verði líka tekið til skoðunar í tengslum við skoðun á gjaldtöku.

4.2. Útboð vegna framkvæmda á Skíðasvæðum höfuðborgarsvæðisins

Ákveðnir óvissuþættir ræddir m.a. m.t.t. gengis og annarrar áhættu vegna áhrifa af þeim faraldi sem nú gengur yfir. Tillaga um að bíða með auglýsingu meðan áhætta er skoðuð frekar. Fallist á það að skoða málið betur og skoða málið fram að helgi.

Niðurstaða fundar

Framkvæmdastjóra SSH falið að fara yfir málið með verkefnahópi um framkvæmdir á skíðasvæðunum.

4.3. Ferðaþjónusta fatlaðra

Framkvæmdastjóri SSH staðfestir að samkvæmt upplýsingum frá Strætó bs. sé útboð að fara af stað.

4.4. Forgangsröðun í samgöngusáttmála

Rætt um fund framkvæmdastjóra SSH og Hrafnkels Á. Proppé með umhverfis- og samgöngunefnd, þar sem m.a. var rætt hvaða verkefnum væri hægt að flýta. Verkefni á borð við hjóla- og göngustíga koma til álita, enda er skipulag þeirra langt komin og krefjast töluverðs vinnuafns. Listi í vinnslu og verður kynntur stjórn SSH þegar hann liggur fyrir.

4.5. Næsti fundur

Ákveðið var að funda að nýju kl. 12:00 fimmtudaginn 19. mars.

Fleira ekki rætt og fundi slitið kl. 17:05